

Syarahan UMP berkaitan Lynas dihadiri 500 peserta

KUANTAN 2 April - Universiti Malaysia Pahang (UMP) menganjurkan Majlis Syarahan Umum Profesori bertajuk *Integriti, Sains dan Persepsi: Pengajaran Daripada Isu Lynas* oleh tokoh akademik, Prof. Datuk Ir. Dr. Badhrulhisham Abdul Aziz di sini

baru-baru ini.

Lebih 500 peserta terdiri daripada ahli akademik, wakil institusi pengajian tinggi (IPT), pihak berkuasa tempatan (PBT), agensi kerajaan, pemain industri dan orang awam hadir dalam program tersebut.

Yang hadir sama, Timbalan Naib Canselor (Penyelidikan dan Inovasi), Prof. Datuk Dr. Rosli Mohd. Yunus; Naib Presiden Lynas Corporation, Datuk Mashal Ahmad dan Ketua Penolong Setiausaha Kementerian Pengajian Tinggi, Zarina Ismail.

Menurut Dekan Fakulti Kejuruteraan Kimia dan Sumber Asli UMP, Prof. Ir. Dr. Jailani Salihon, siri syarahan kali ini bertepatan dengan isu semasa terutamanya dalam memberi pemahaman dari kaca mata akademik.

"Syarahan ini menerangkan ten-

tang permasalahan yang dihadapi dalam pelaburan projek-projek industri kimia yang berhadapan dengan persepsi masyarakat.

"Prof. Badhrulhisham merupakan seorang yang berpengalaman luas dan tokoh yang selayaknya untuk

berkongsi pengalaman bagi memberi pencerahan dari perspektif ilmiah," katanya.

Katanya, selain itu, program tersebut dapat dimanfaatkan masyarakat untuk mendapatkan fakta sebenar mengenai operasi kilang Lynas.

UMP (Kl) 2 April 2018